

المسائل

واحد معاه أرنب ، شافه واحد مسطول فسأله : بكام القرد ده؟

قال له : بص كويس . . ده أرنب .

المسطول : أنا ما سألتكش . . أنا بسأله هو .

واحد مسطول راكب طيارة خبّط على كتف المضيفة وسألها : الحمام

فين؟ قالت له : الناحية الثانية . راح خبّط على الكتف الثاني وسألها :

الحمام فين؟

اتنين مساطيل اتفقوا إنهم يسرقوا العمارة اللي قدامهم ، فالحرامي

الأول اقترح إنهم يزقوا البيت إلى مكان بعيد وفاضي عشان يسرقوا

براحتهم ، فخلعوا ملابسهم وفضلوا يزقوا في البيت . فات من جنبهم

واحد حرامي سرق الملابس ، فواحد منهم بص وراه ملقاش الهدوم .

قال : بس كفاية كده إحنا بعدنا أوي .

مسطول لابس جزمة ، فردة بيضا والثانية سودا . . قابله مسطول ثاني

وقال له : إيه يا واد الجزمة الشيك دي؟ راح المسطول الأولاني حط

رجل على رجل وقال له : وشرفك إنت . . عندي جوز جزم ثاني في

البيت شبهه بالظبط .

المساطيل

مرة واحد مسطول أمه بتصحيه وبتقوله : قوم يا بني الشمس طلعت .
قال لها : دخلوها واقفلي الباب وراك .

مسطول سألوه : رأيك إيه في الزواج المبكر؟ قال لهم : يعني الساعة
كام؟

مرة حرامي دخل على واحد مسطول البيت قال له : هات فلوسك
وإلا هقتل مراتك . الرجل قعد يضحححححح . . . الحرامي
قتل مراته وقال له : هات الفلوس قبل ما اقتل ابنك . الرجل قعد
يضححححححح . . . الحرامي قتل ابنه ، وهكذا لغاية لما خلّص
على العيلة وبيقول للمسطول : إيه يا عم ، مش عايز تديني فلوسك
ليه؟؟؟؟ قال له : اطلع من دول يا إبراهيم يا نصر .

مرة واحد غبي أوي ومسطول في نفس الوقت كان شايل مسامير في
إيده ، وهو ماشي مسمار وقع من إيده وبقية المسامير لسه في إيده ، قال
للمسمار : اطلع يا مسمار . ماردش . راح فتح إيده وقال للمسامير :
انزلوا جيبوه .

المساطيل

واحد مسطول بيسألوه : إنت ساكن فين؟ قال لهم : عارفين بيتهوفن .
قالو : آه عارفينه . قال لهم : البيت اللي جنبه .

واحد مسطول راجع البيت ، كل ما يحاول يفتح الباب
يترنح . . يترنح . ابنه بص له من الشباك وقال له : بابا أحدف لك
المفتاح؟ أبوه قال له : المفتاح معايا يا واد احدف خرم الباب .

مرة واحد مسطول رجع بيتهم متأخر . أخته فتحت له فقال لها : كنت
فين يا فاجرة لحد دلوقتي؟

مرة اتنين مساطيل ماشيين فلقوا واحد مرمي على الأرض ، المسطول
الأول بيقول للمسطول الثاني : مش ده طارق؟ قال له : آه . قال له :
مش ده بيته؟ قال له : آه . قال له : طب بينا نطلعه . قال له : ماشي .
فالأول بيقول للثاني مش دي شقته . قال له : آه . قال له مش دي
أوضته . قال له : آه . طيب ارمي . وبعدين نزلوا تاني فلقوه برضه
مرمي . فالأول قال للثاني : مش ده طارق؟ قال له : آه . مش احنا
طلعناه؟ قال له : آه . قال له : طب بينا نطلعه . قال له : بينا . فسألوا
البواب : مش ده طارق؟ قال لهم : آه . فخدوا معاهم البواب .
فقالوا : مش دي شقته؟ قال لهم : آه . مش دي أوضته؟ قال لهم : لا
دي البلكونة .

المساطيل

واحد مسطول سائق عربية فراري في أول الطريق الصحراوي يفتح الراديو لقي المذيع يقول: هنا القاهرة، قال: يخرّب بيت السرعة.

مرة اتنين مساطيل ماشيين في الشارع بالليل بعد ما خلصوا قاعدتهم... وهما ماشيين شافوا اتنين مساطيل قاعدين على الرصيف ويصطادوا في الأسفلت... الأول قال لزميله: شوف الاتنين المساطيل اللي يصطادوا في الأسفلت دول... قال له: يا عم سيبك... جدف جدف.

اتنين مساطيل قاعدين يتفرجوا على التلفزيون ونشرة الأخبار كانت شغالة، فواحد يقول للتاني: هي النشرة طوّلت النهاردة ليه؟ رد عليه التاني وقال: أصلها آخر حلقة.

اتنين مساطيل ماشيين في الشارع، واحد وقع في البلاءة التاني راح استناه عند الحنفية.

مرة ثلاثة مساطيل الأول قال: أنا لو معايا فلوس أشتري نص الكرة الأرضية، والتاني قال: أنا لو معايا فلوس أشتري النصف التاني، رد وقال لهم مين قال لكم إني ها بيعلكو؟

المساطيل

مسطول مزور ورقة بنكنوت إنما 10/10، مع ذلك مسكوه. يا ترى
ليه؟ عشان كان مزور ورقة بستين جنيه.

مرة اتنين مساطيل بيحششوا فواحد بيقول لصاحبه: شايف النملة
اللي فوق الجبل؟ رد الثاني وقال له: أي واحدة.. المغمضة ولا
المفتحة؟

نظرية مسطوول: العلم نور، والنور كهربة، والكهربة خطر، يبقى
بتتعلم ليه؟!

مرة واحد حرامي راح يسرق باب واحد مسطول وأخذ الباب وطلع
يجري. المسطول أخذ يجري وراه، وفجأة الاثنين تعبوا، فقعد الحرامي
يستريح، المسطول راح جاي عنده وقعد يجبط على الباب وهو
بيقول: افتح يا جبالان.

واحد مسطول الظابط قال له: اسمك إيه؟ قال: أنا يا باشا؟ قال له:
لا أنا يا خويا. قال له: سعيد يا باشا. قال له: سنك كام. قال له: أنا
يا باشا. قال له: لا أنا يا خويا. قال له: إنت 42 43.

المساطيل

واحد سكران قاعد يشرب خمرة وعنده بغبغان، كل شوية البغبغان
يقوله: هات كاس. يقوله: اقعد ساكت هنتفلك ريشك. البغبغان
يقوله: هات كاس. يقوله: اقعد ساكت هنتفلك ريشك. جرس
الباب رن قام يفتح، فالبغبغان مسك الإزازة وشربها، فلما المسطول
رجع قال له: إيه ده؟ قام البغبغان قال له: شربت الإزازة، وأدي
الريش اللي انت قارفني بيه أهو.

واحد مسطول ركب تاكسي فالسائق قال له ممكن تشوفلي الإشارة
اليمين شغالة ولا لا؟ فطلع المسطول رأسه من الشباك وقال للسواق:
شغالة مش شغالة، شغالة مش شغالة، شغالة مش شغالة!!!

واحد مسطول اشتغل سواق تاكسي شاورت له واحدة، وقف
وسألها: رايحه فين؟ قالت له: المهندسين. قال لها: روعي بس ما
تتأخريش.

مرة مجموعة مساطيل بيكتبوا محاضرة مع دكتور، كل ما يمسخ السبورة
يقطعوا الورقة.

اتنين مساطيل طالعين في الأسانسير، واحد بيقول للثاني: هو
الأسانسير بطيء كده ليه؟ قال: يمكن طالع على السلم.

المساطيل

اتنين مساطيل حبو يزيفو فلوس، راحوا عاملين فلوس كثير..
الورقة بتمتاشر جنيه، وراحو لواحد صاحبهم وقالوا له: معك فكة
تمتاشر جنيه، قال لهم: تاخذوهم تسعين.

مرة واحد مسطول قاعد بيحشش مع مراته لغاية ما نسيوا أنفسهم،
وفجأة حد خبط عليهم فقامت الزوجة وقالت: جوزي.. فقام
جوزها ونط من الشباك.

مسطول بيقول لصاحبه: يا أخي امبارح دخلت فيلم هندي هايل بتاع
راجل وست ما شيين لقوا طفلة في اللفة خدوها وربوها لغاية ما
كبرت، وفي الآخر طلعت أمهم.

مرة واحد مسطول قابل واحد فسأله: الساعة كام؟ قال له: خمسة
وخمسة. فرد عليه المسطول وقال له: ما تعرفشي تقول عشرة
وخلص.

مرة ثلاثة مساطيل راكبين عربية وفجأة العربية وقفت فواحد قال
للتاني: انزل شوف العربية مالها. فنزل مطلعش، فنزل التاني يشوفه
مطلعش، فنزل الثالث وقال لهم: فيه إيه؟؟ فقالوا له: هسسسس
العجلة نائمة.

المساطيل

مرة واحد مسطول ماشي قدام مزرعة لقي مكتوب عليها من بره "مزرعة عجول"، دخل للبواب وقال له: يا عم إنتوا بتزرعوا العجول إزاااى؟ البواب شافة مسطول قال أراضيه بكلمة عشان يمشي فقال له: إحنا بنرمي السكر على الأرض وتاني يوم بتطلع العجول. روح المسطول البيت ورمى سكر على الأرض وتاني يوم لقي النمل كتييييير على الأرض فقال لهم: يا حلاوة العجول وهي صغيرة.

مرة اتنين مساطيل قاعدين قدام مراية، واحد قال: متيجي نسلم على الناس اللي قاعدة هناك دي، المهم راحوا يسلموا فالتاني قال له: اقعد اقعد أهم جاين يسلموا علينا.

مرة واحد مسطول رجع البيت وقعد يخبط على مراته ويقول: افتحي ياولية، فلما تأخرت عليه راح ضرب صفيحة الزبالة اللي قدام البيت برجله فخبطت في الحيطه ورجعت عورت رجله، راح خبط تاني وقال: افتحي ياولية. فلما تأخرت راح خبط الصفيحة تاني راحت رجعت وعورته في بطنه، كرر الموضوع تاني وضرب الصفيحة فطارت ووقعت على دماغه عورته فنادى على مراته قال لها: افتحي ياولية الصفيحة هتموتني.

واحد مسطول ماشي في الشارع لقي عمود نور مكتوب عليه شقة للإيجار راح قعد يخبط على العمود لغاية لما جاله مسطول تاني قال له:

المساطيل

إنت بتعمل إيه هنا؟ قال له : أصلي لقيت مكتوب شقة للإيجار قمت
قعدت أخبط بس محدش رد عليّ. قام الثاني قال له : غريبة مع أن
الجماعة منورين النور فوق .

واحد مسطول بيسأل صاحبه المسطول : هو إيه الفرق بين تجارة
الحشيش وتجارة عين شمس؟ قام صاحبه قال : تجارة عين شمس 4
سنين ، إنما تجارة الحشيش أقلها 25 سنة .

اثنين مساطيل بيتكلموا ، واحد قال : تصدق بالي مشغول ، قال له
الثاني : أكيد السماعه مرفوعة .

واحد مسطول كان حيخبط واحدة بالعربية . قالت له : إنت ما
شفتينش؟ قال لها : أيوه شفتك ، بس مش فاكر فين؟

مرة واحد مسطول كل ما يشوف البرق يضحك ليه؟ عشان يطلع حلو
في الصورة .

مرة واحد مسطول دماغه بتلف . . راح يقابلها في الشارع اللي وراه .

المساطيل

مسطول ماشي في الشارع شافته قطه فجربت ناحيته ، ضربتها عربية ، وهو بيهرب خبط في الرصيف فأغمي عليه لما فاق شاف القطه ميتة قال : أنا لازم أبطل سطل عشان ما افتريش على حد ثاني .

مرة نكتة ماشية بتعيط؟؟ عشان واحد مسطول ضحك عليها .

جماعة مساطيل عملوا أتوبيس بيمشي بالعرض ليه؟ عشان كلهم يركبوا قدام .

مرة واحد مسطول قاعد يفكر مع نفسه ويقول : جمبري في الطبق؟ لا لا ، أرنب في الجردل؟ برضة لا ، مش دي إستكوزا في البانيو؟ يوووة برضة مش دي ، أنا هتصل أعرف من الدكتور أحسن . راح اتصل بيه وسأله : يا دكتور أنا عندي إيه؟ قال له : أنا قولت لك ميت مرة أنت عندك سرطان في الحوض .

واحد مسطول راح يصطاد . إفتكر إن ما معهوش طُعم . . كتب على ورقة كلمة طُعم وحطّها في السنارة ورمّاها في البحر . . بعد شوية طلعت السنارة وفيها ورقة مكتوب عليها (سمكة) .

خمس مساطيل ماشيين ورا بعض . . وقعوا في بلاعة واحدة .

المساطيل

خمس مساطيل بيركبوا لمبة قلاووظ. . واحد مسك اللمبة والباقيين بيلفوا السقف .

مسطول دخل الحمام لقي مسّاحة . . قال : ياه كل دي ماكينة حلاقة؟

مسطول شاف أم أفريقية بترضع ابنها . . قال : ياه . . دي بترضعه شيكولاته!!

مسطول سأل البياع : بكام الجزمة دي؟
البياع : بـ500 جنيه .

قال المسطول : ما تكرمنا شويّة ، خليني آخذ الفردتين .

مسطول قالوا له : ابنك دهسه القطر . قال لهم : تانااااني؟

مسطول يسأل صاحبه : هل ممكن الجمعة الجاية توافق آخر الشهر؟
قال له : لو ضغطنا عليها ممكن توافق .

المساطيل

مسطول فتح مستودع أنابيب غاز . . فجر أنبوتين في وسط المحل
للدعاية .

مسطول خنق الفرخة اللي مربيهها تحت السرير وهو يقول لها : كل
يوم بيض . . بيض . . ما فيش حلاوة؟

مسطول راح جنينة الحيوانات، ودخل رأسه من قفص الأسود . .
الحارس جري عليه وقال له : إنت بتعمل إيه؟ قال له : ومالك خايف
كده . . يعني أنا هاكله؟

مسطول يلعب كورة . . خدها على صدره . . طلّعها من مناخيره .

مسطول حبّ يولّع في مراته . . ولّع في نفسه وقال لها : قربني مني .

اتنين مساطيل راكبين عربية، قال الأول للثاني : حاسب قدامك
شجرة . . بعد شوية . . كرر الجملة . . حاسب قدامك شجرة . .
طاخ . . العربية دخلت في الشجرة، قال له : يا أخي أنا عمال أقولك
حاسب قدامك شجرة وانت ولا انت هنا . قال له صاحبه : يعني هو
أنا اللي سايق؟

المساطيل

مسطول راح مستودع أنابيب الغاز . . اشترى أنبوبة، البياع قال له :
ها تاخدها معاك؟ المسطول رد : لأ . . ها اشربها هنا .

مسطول راح يشم هوا . . جابوه من ع الحدود .

مسطول لقي خاتم سليمان . . فركه لحدّ ما فعص العفريت .

مسطول ضربوه بالشومه . . الشومة ورمت .

مسطول بيلعب كورة، انفرد بالجون . . موّته .

مسطول بيسلّك ودانه . . صباعه اتكسر .

مسطول وقع من البرج . . قال : مش طالع ثاني .

مسطول ضرب طلقّتين في الهوا . . وقّع قمر و3 نجوم .

المساطيل

مسطول شاف ابن عمه بعد غياب ، جه من وراه وضربه بالفاس على رأسه وقال له : هه . . أنا مين؟

مسطول نادى على واحد ماشي في الشارع وقال له : يا عم . . يا عم . . سنتي دي بتوجعني؟

مسطول اتعين في شركة المياه . . راح الشغل لابس مايوه .

مسطول خرج من باب الخيمة لقي مطر ، قام دخل وخرج من الباب الثاني .

مسطول دخل مطعم وسأل : عندكوا حلقات بصل؟ قالوا : آه . قال : إديني آخر حلقة .

حرامي دخل على مسطول ومراته ، قال للزوجة : اسمك إيه؟ قالت : سميرة . . قال : ها اسبيك علشان انتي على اسم أمي ، وسأل جوزها المسطول : اسمك إيه؟ قال : اسمي عزوز ، لكن بيدلعوني يقولولي يا سميرة .

المساطيل

مسطول دخل يعزي، حب يجمال، قال لأهل المتوفى: الإنسان ده زي
البنّي آدم إذا اتوفى مات.

اثنين مساطيل، الأول بيقول للثاني: هو أنا مش شايف الكتابة اللي
على الحيطّة؟ قال له: وهو فيه حيطّة؟

مسطول قبضوا عليه، الضابط سألّه: ساكن فين؟ قال له: مع
أخويا.. وأخوك ساكن فين؟.. معايا، شخّط فيه: انت وأخوك
ساكنين فين؟ قال له: مع بعض.

سألوا مسطول عن طير يبدأ بحرف الكاف. قال: كنتاكي.

مسطول سأل زميله: النهاردة الأحد ولا السبت؟ قال له: الاثنين.
قال: ما شاء الله.. مع بعض؟

مسطولين اتقلبوا بالعربية وهمّه مسافرين، الأول قال للثاني: أنا
حاسس زي ما نكون انقلبنا، الثاني رد عليه: يا راجل بلاش
وسوسة.

المساطيل

مسطول معاه شفشق ميّه، حَبّ يدخله الثلاجة ما دخلش . . كبّ منه شوية ميّه.

مسطول سرق فاتورة راح يسدّدها.

مسطول بيوصف مراته قال: مراتي 25٪ زبدة، و 50٪ لبن، و 25٪ قشطة. رد زميله: دي أكيد 100٪ جاموسة.

مسطول دخل بيته، مراته فتحت الباب قال لها: إنت مين؟ قالت: وكمان مش عارفني، قال لها: عارف بس مش فاكِر إنتِ مين.

مسطول راح للدكتور قال له: اعملْ (إشاعة)، خرج برة وقال للعيانين: الدكتور مات.

مسطول قاعد يتدقّي النار، دعا وقال: ربنا ما يحرمنا منها دنيا وآخره.

مسطول سأل زميله: ليه سمّوها قناة السويس؟ قال له: علشان السفينة بتمشي فيها (بسويس).

ابن مسطول اتسطل ، قال لأبوه : يابا . . إنت أبويا ولا أمي ؟

واحد مسطول حلق شنبه . . دخل على أصحابه يقول لهم :
تصدقوا . . أنا ماعرفتكوش .

مسطول فتح الثلاجة لقي فيها جلي بترعرش ، قال له : ما تخافشي . .
ما تخافشي . . أنا ها اشرب ميه .

مسطول أمه تعبانة راح يجيب لها الدكتور ، رجع لقاها مَيّنة : قال لها :
يا بايخة .

واحد سكران راجع يطّوح . . خبط إزاز العمارة كان هايكسره ،
البواب قال له : جت سليمة ، قال : آه دي قريبتني .

مسطول راح يخطب ، أبوها قال له : بعد ما تخلّص دراستها ، قال :
خلاص أرجع بعد ساعة .

مسطول بيلفّ في الشقة خبط أمه ، قالت له : إنت مش شايف ؟ قال
لها : شايفك بس مش عارف إنتي فين ؟ !

المساطيل

مسطول بيقول لزميله : تعرف ليه القَطْر مهم؟ قال له : عشان تحته خطين .

مسطول جاب دكتور كشف على مراته ، قال له : مبروك دي حامل في بنت ، مراته تأخرت في الولادة ، طَلَع مسدسه وضرب بطن مراته طلقتين ، واحد سألَه : ليه عملت كده؟ قال : إذا كانت البنت تأخرت وهي لسه في بطن أمها ، أmaal قدام شويّة ها تعمل إيه؟

واحد مسطول بيقول لزميله : يا سلام لو ما كانش فيه ستات في الدنيا؟ قال له : إيه كان يحصل؟ قال له : الواحد ما كانش اتجوز على مراته .

مسطول مسكته الدورية . . قال له العسكري : اركب ، قال : لأ . . أنا باسوق .

مسطول سأل زميله : البنك النهاردة فاتح؟ قال : لأ . . غامق .

مسطول ماسك لوح ثلج بينقط ، قال : أموت وأعرف هو مخروم منين؟

المساطيل

مسطول قطع رأس أخوه وحطّها جنبه وقال : لما يصحى ها يموت من الضحك .

مسطول ابنه مات ، كتب على قبره The end .

واحد مسطول الشمس ضربته . . قام عمل لها محضر .

مساطيل طلّعوا على واحد في الزراعات بالشوم سألوه : إنت معانا ولاّ مع التانيين؟ قال : معاكم . . معاكم . . طاخ . . إحنا بقى التانيين .

واحد مسطول دخل في رجله مسمار ، ما عرفش يطلّعه . . تناه .

واحد مسطول رمى على مراته يمين الطلاق . . فتح لها دماغها .

واحد استعان باتنين مساطيل لشيل دولاب ، واحد منهم شال الدولاب على رأسه . . وجواه زميله شال الأرفف .

واحد مسطول عمل حادثة ، الظابط بيأله : خبطت الراجل إزاي؟

قال : أبداً . . إديته كلاكس مش عايز يقوم .

المساطيل

فسأل الظابط الرجل المصدوم : إنت ما سمعتش الكلاكس؟

قال الرجل : سمعته ، لكن أنا قاعد في دكاني . . أمشي أروح فين؟

مسطول قال لأخوة: الساعة كام؟ قال : ما اعرفش . قال : غريبة،
عندي ما اعرفش وخمسة .

مسطول خطف واحدة علشان يذبجها . . ما عرفش ، قال : موتي وإلا
أديك بالكف .

مسطول بيسأل : هو خط الاستواء مسفلت ولا مردوم؟

مسطول بيسأل زميله : ليه النهاردة نشرة الأخبار طويلة . قال له :
يمكن آخر حلقة .

مسطول ابنه بيغرق . قال له : الحقني يا بابا . قال له : روح يا ابني . .
إنت شهيد .

مسطول بيسوق ومعه حُجاج . قال لهم : شدّوا حيلكم علشان نرجع
قبل العيد .

المساطيل

واحد مسطول وهو بيموت مسك إيد مراته وقال لها : لما عييت كنتي معايا ، ولما اترفدت من الشغل كنتي جانبي ، ودلوقت مش عارف ليه حاسس إنك نحس .

مسطول دخل محل قال له : تعرف إنجليزي . قال له : لا ، راح محل ثاني وتالت لحد ما واحد قال له : آه أعرف . قال له : طب اديني علبة سجاير مارلبورو .

ندل مسطول اتصل بالـ F.M يهدي أغنية بابا فين لكل أيتام العالم .

واحد مسطول أحول سألوه : إيه أمنيته؟ قال : أشوف واحد ماشي لوحده .

مسطول دخل محل شرائط كاسيت . سأل : عمرو دياب موجود . قال : آه موجود؟ قال له : طب وحياة والدك خليه يطلع أحسن قافل على عربيتي .

مسطول حبّ يعلم ابنه الأدب ، رمى أخوه م الشباك .

المساطيل

مسطول الكهرباء مسكت فيه ، قال لها : مش أنا .

مسطول شاف مراته بتلف ورق عنب قال لها : كفاية لي لفة واحدة .

مسطول بيصحي أخوه الصبح ويقول له : قوم شوف بكرة .

حرامي مسطول نجح ابنه ، فقال له : إيه رأيك في سيارة الجيران ؟

مسطول بيسمع شريط كاسيت وحاطط لسانه على المسجل علشان بيتذوق الفن .

واحد مسطول بيعدي الشارع شاف واحد يشرب سيجارتين ، فسأله : هو ليه كل لما أعدي من هنا أشوفك بتشرب سيجارتين ، قال له : أصل أنا كان ليه واحد صاحبي متعودين إن احنا نشرب سجاير هنا وصاحبي سافر ، فأنا بشربلي وبشربله . . بعد فترة صاحبنا عدا شافه يشرب سيجارة واحدة ، فقال له : انت بتشرب سيجارة واحدة ليه ؟ قال له : أصل أنا بطلت .

المساطيل

اتنين أصحاب مساطيل ، واحد قال للثاني : أعلمك الرزالة وتعلمني الرخامة؟ قال له : ماشي ، صاحبه قال : الرزالة كده ، وجاب التليفون وطلب رقم غلط وسأل : طاهر موجود؟ قال له : الرقم غلط ، طلب ثاني وسأل : طاهر موجود؟ قال له : الرقم غلط ، طلب مرة تالته : طاهر موجود؟ وقال لصاحبه : هي دي الرزالة . .

قام صاحبه قال له : هات التليفون ، وطلب نفس الرقم وقال : أنا طاهر ، حد سأل عليه؟ وقال له : هي دي الرخامة .

واحد مسطول خبط على الجيران سألهم : عندكم طماطم؟ قالوا : أيوه ، قال : واحنا كمان .

واحد مسطول قال لزميله : أقولك لغز وتحله ، قال : آه . قال له : حاجة من حرفين بنحطها في قفص وبتتاكل ، قال له : العصفورة ، قال له : غلط . قال : طيب قول الصح ؛ قال له : الطماطم ، استغرب صاحبنا وقال له : هي الطماطم بتتحط في قفص؟ قال له : أنا باحطها في قفص ، قال له : طيب وهي الطماطم من حرفين؟ قال له : مش لازم أصعبها عليك؟!

واحد مسطول وقف في الشارع وقال : مين يتحداني؟ . . ما فيش رجاله؟ واحد عضلات جاله ، قال : كويس بقينا اتنين مين يتحدانا؟

واحد مسطول بيحب الهدوء اشترى شريط كاسيت فاضي وشغله .

واحد مسطول جه واحد يُخطب بنته ، قال له : والله ما يجوز بنتنا لعزاب .

مسطول شاف واحد في الشارع ، قال له : إزيك يا محسن ؟ قال له : أنا مش محسن . قال له : وكمان غيرت اسمك ؟ !

مسطول وقف في لجنة مرور . . سأله الضابط : ليه مش لابس حزام ؟ قال له : عشان مش لابس بنطلون .

مسطول دخل بيته متأخر . . مراته فتحت الباب ، قام ضربها على وشها بالقلم ، وقال لها : لسه جايه !

مسطول سافر أمريكا ، لقي احتفال كبير ، سأل : فرح مين ده يا خواجه ؟ رد : أي دونت نو .

وفي اليوم الثاني : لقي جنازة ، سأل واحد منهم : مين مات يا خواجه ؟ رد عليه : أي دونت نو .

قال : ده أنا كنت لسه في فرحه إمبراح .

مسطول بيغسل سنانه بفرشة البلاط .

مسطول راح يتفسح في الهرم . . بص للأهرامات وقال : ياه . . كل
دي جينة مثلثات !!

مسطول راح جينة الحيوانات مع صاحبه ، طلع وراهم أسد ، الأول
رماه بالطوب . وقال لزميله أجري . . زميله رد : أجري ليه هو أنا
اللي ضربته ؟

مسطول قال لبيع في السوبر ماركت : عندك معلبات ؟ قال له : أيوه .
قال : طب وحياء أبوك عايز علبة كبريت .

مسطول شاف ع الأرض قشرة موز . . قال : ياه هو أنا كل يوم ها
تزحلق .

مسطول شاف واحدة حلوة قوي لابسة جزمة بيضا . . حب
يعاكسها . . قال لها : نهارنا زي الجزمة .

مسطول سرحان . . سألوه : مالك ؟ قال : أبداً الواد ابني ميت شوية .

المسايطيل

واحد مسطول شاور على الأوتوبيس ، وقال لزميله : ياه شوف العربية ماشية من غير حمير إزاي . قال له : ماتكسفناش . . الحمير جوه .

مسطول وقع من الدور التاسع . . شنبه اتجزع .

مسطول طلع المقطم ومعه سنارة يصطاد بيها سمك . . مسطول ثاني شافه . . قلع الجلابية وراح ناطط .

مسطول سأل : الموضة السنة دي إيه في اللبس؟ قالوا له : الجلد . . قلع هدومة ورماعها على الأرض .

مسطول مسكته دورية ، قال له العسكري : اركب . قال له : لا . . البيت قريب .

واحد مسطول راح المطعم يسأل : عندكم عشا؟ قالوا : آه . قال لهم : وليه ما عزمتونيش؟

مسطول الكهربا مسكت فيه ، قال لها : سيبي وأنا أسيب .

المساطيل

واحد مسطول اتصل بالسنترال وقال لهم: عندكوا مفتاح الرياض.
قالوا: أيوه، قال لهم: اعملوا عليه نسخة لحسن يضيع.

مسطول دخل البيت لقي مراته مولعه. قال لها: إنتي منورانا النهاردة.

واحد مسطول شاف لجنة في الطريق خاف يشكّوا فيه، خبط على
عربية الدورية وقال لهم: العربية دي للبيع؟

ثلاث مساطيل عدوا على لجنة. الأول قال: سلامو عليكمو، رد
الثاني: عليكم السلام، والثالث قال لهم: عدوا خلاص.

واحد مسطول قال للثاني: سمعت آخر نكتة؟ رد الثاني: لا. قال:
ولا أنا.

مسطول سألوه: إخوانك اسمهم إيه؟ قال: كلهم محمد ما عدا فيصل
اسمه خالد.

واحد مسطول طلع على المعاش ما عرفش ينزل .

تلاته مساطيل عملوا نفسهم مصري وسعودي وسوداني ، اللي عامل نفسه سعودي قال للمصري : صبحني الصبح بدري ، المصري دهن وش السعودي أسود وصحاه . بص في المراية وقال : عملتها فيه يا مصري صحيت السوداني وسبتي نايم ؟

واحد مسطول راح للدكتور يقول له : أنا بانسى يا دكتور . قال له : استنى شويه أفكر لك حالتك دي اسمها إيه . . اسمها إيه .

واحد مسطول بيسأل الخضري : عندك ملوخية خضرا؟ قال : لا . قال : ولا ألوان ثانية؟

واحد مسطول سأل ابنه : شنو تبغي مواصفاتها؟ قال : بيضة وطويلة وتشتغل . تاني يوم جاب له تلاجيه .

اتنين مساطيل شافوا مكتب إعلان على عامود نور ، الأول يطق العمود . قال : مع إن الجماعة منورين .

المساطيل

واحد مسطول سأل عامل بمحل : عندكوا تليفزيونات ملونة؟ قال :
آه . قال : طب إديني واحد أصفر .

سكران اتصل بالخطوط قال : كم تستغرق رحلة الكويت بانكوك .
قالت له : انتظر . . لحظة واحدة . قال : شكراً وأغلق الهاتف .

واحد سكران دقّت عليه أمه قال : مين عطاك الرقم يا حلوه؟

مسطول دخل عند راعي البقالة قال له : عندك سكر؟ قال : أيوه ، قال
له : الله يشفيك .

واحد مسطول قال : زين إن أمريكا اتهمت (طالبان) ما اتهمت
المدرسة كلها .

مسطول سأل صاحبه : فلان مات ، إنت عزيت؟ قال : لا .
عالديزل .

اتنين مساطيل مسافرين بالسيارة ، وقفوا عند محطة بنزين ، نزل
السواق اشترى حبتين ببسي وركب السيارة ومشى ، والثاني نزل دورة

المساطيل

المياه، تاني يوم اتصل عليه أهل خويه، قالوا له: وين فلان ما رجع معك؟ قال: وأنا أقول الببسي الثاني مين.. منه له.

مسطول يهنئ خويه برمضان.. إيش يقول؟ حج مبرور وعقبال الذرية الصالحة وعساكم من عواده.

واحد مسطول متضايق من الشمس قرر إنه يهاجمها بصاروخ بالليل..
ليه؟ علشان ما تاخدش بالها.
